

Bibël për fëmijët paraqet



Kisha Përballet me Vështirësi



Shkruar nga: Edward Hughes
Ilustruar nga: Janie Forest
Adaptuar nga: Ruth Klassen
Alastair Paterson
Përkthyer nga: Arianit & Valbona Iljazi
Prodhuar nga: Bible for Children
www.M1914.org


BFC
PO Box 3
Winnipeg, MB R3C 2G1
Canada

©2020 Bible for Children, Inc.

E drejta e kopjimit: Mund të bëni kopje ose ta shtypni këtë histori,
nëse nuk do ta shitni.


1

Pesëdhjetë ditë, pasi Biri i Perëndisë u ringjall,
Fryma e Shenjtë erdhi të jetojë me ndjekësit e Tij.
Megjithëse dishepujt nuk e kuptonin sesi Perëndia
Ati, Perëndia Biri (Jezusi) dhe Fryma e Shenjtë
janë një Perëndi, ata ishin të lumtur që
Perëndia ishte me ta. Perëndia bëri gjëra të
mrekullueshme për ti ndihmuar apostujt tu tregonin
të tjerëve rreth Jezusit.



2

Njerëzit që besonin në Jezusin ndanin gjithçka ata kishin, në mënyrë që të kujdeseshin për të varfërit. Por një çift, Anania dhe Safira ishin të pandershëm. Ata shitën ca tokë dhe bënë sikur po i sillnin të gjitha paratë tek apostujt. Fshehtas, ata mbajtën ca për veten e tyre.




3

"Pse e ka mbushur Satani zemrën tuaj për të gënjer Frymën e Shenjtë...?", pyeti Pjetri, Ananian. "Ti nuk ke gënjer njeriun, por Perëndinë." Me të dëgjuar këtë, Anania ra përtokë dhe dha frymën. Të rinjtë e mbështollën, e nxorrën jashtë, dhe e varrosën atë.



4


Pak kohë pas kësaj, Safira erdhi, duke mos e ditur që burri i saj kish vdekur. Edhe ajo gjithashtu gënjeu për paratë - dhe e njëjta gjë i ndodhi dhe asaj. Një frikë e madhe erdhi mbi të gjithë ata që dëgjuan këto gjëra.



5

Perëndia, Fryma e Shenjtë bëri shumë shenja dhe mrekulli nëpërmjet apostujve. Për shembull, njerëz të sëmurë u shëruan,


kur hija e Pjetrit ra përmbi ta.



6


Ishte një kohë e mrekullive të mëdha, që tregonte praninë e Perëndisë. Gjithmonë e më shumë njerëz besonin në Jezusin.

Kjo e zemëroi shumë kryepriftin. Ai i futi apostujt në burg!



7

Por natën, një engjëll i Perëndisë hapi dyert e burgut dhe i nxorri ata jashtë, duke u thënë, "Shkoni qëndroni në tempull dhe foluni të gjithë njerëzve për fjalët e kësaj jete". Apostujt dolën dhe filluan të predikojnë Jezusin. Në mëngjes njerëzit e kryepriftit e gjetën burgun të zbrazur.




8

Kur më në fund i gjeti apostujt, kryepriifti i qortoi ata, "A nuk iu urdhëruam ne rreptësisht, të mos mësoni më në këtë Emër"? Pjetri dhe aposujt e tjerë u përgjigjën. "Ne duhet ti bindemi Perëndisë në vend të njerëzve". Kryepriifti u zemërua aq shumë, sa që donte ti vriste apostujt. Por ai urdhëroi që të rrihen dhe të lirohen.



9

Pavarësisht dhembjes së tyre, apostujt iu bindën Perëndisë dhe vazhduan duke predikuar Jezusin.



10

Një ditë, një njeri i quajtur Stefan u arrestua. Pas një gjyqi të sajuar, atë e goditën me gurë dhe ai vdiq për shkak të besimit të tij në Jezusin.



11

Përpara se të vdiste, Stefani i mbushur me Frymën e Shenjtë, vështroi në qiell dhe pa lavdinë e Perëndisë dhe Jezusin që qëndronte në anën e djathtë të Perëndisë.



12

Turma po e godiste me gurë Stefanin, ndërsa ai i thërriste Perëndisë dhe thoshte, "Zoti Jezus, pranoje frymën time". Pastaj, ashtu si Jezusi në kryq, ky burrë trim e përdori frymën e fundit duke iu lutur Perëndisë që ti falte ata që po e vrisnin.



13

Me vdekjen e Stefanit, filloi një valë e re përndjekjeje. Një djalë i ri i quajtur Saul, i cili kishte ndihmuar vrasësit e Stefanit, arrestonte çdo të Krishterë që mund të gjente.



14

Shumë prej tyre u larguan nga shtëpitë e tyre dhe u shpërndanë nëpër Jude dhe Samari. Vetëm apostujt qëndruan në Jerusaleëm.



15

Megjithëse armiqtë e tyre u përpoqën që ti vrasin, ata u shpërndanë duke predikuar lajmin e mirë të Jezusit kudo që shkuan. Asgjë nuk mund ti ndalonte ndjekësit e Jezusit - sepse Fryma e Perëndisë jetonte në ta dhe punonte nëpërmjet tyre.



16

Kisha Përballet me Vështirësi


Një tregim nga Fjala e Perëndisë, Bibla

e marrë nga

Veprave 5-7

"Zbulimi i fjalëve të tua ndriçon dhe u jep mendje njerëzve të thjeshtë."
Psalmet 119:130

17



56

60

18

Ky tregim nga Bibla na tregon për Perëndinë tonë të mrekullueshëm i cili na krijoi dhe dëshiron që ne ta njohim Atë.

Perëndia e di që ne kemi bërë gjëra të këqija, të cilat Ai i quan mëkatet. Dënimi për mëkatet është vdekja, por Perëndia ju do juve aq shumë sa që dërgoi Birin e Tij të vetëm, Jezusin, që të vdesë në Kryq dhe të dënohet për mëkatet tuaja. Pastaj Jezusi u ringjall dhe u ngrit lart në Qiell! Nëse beson në Jezusin dhe i kërkon Atij të t'i falë mëkatet e tua, Ai do ta bëjë atë! Ai do të vijë dhe do të jetojë në ty, dhe ti do të jetosh me Të përgjithmonë.

Nëse ti beson se kjo është e vërteta, drejtoju Perëndisë kështu: Jezus i dashur, unë besoj se Ti je Perëndia i bërë njeri për të vdekur për mëkatet e mia, dhe që Ti u ngjalle sërish. Të lutem, eja në jetën time dhe fali mëkatet e mia, në mënyrë që unë të kem jetë të re dhe një ditë të jem me Ty, përgjithmonë. Më ndihmo, të të bindem dhe jetoj për Ty, si fëmija Yt. Amen.

Lexo Biblën dhe bisedo me Perëndinë çdo ditë! Gjoni 3:16

19